

Bibel tu angka dakdanak
patomutomuhon

Pesta Paska
Na Parjolo



Sinurathon ni: Edward Hughes
Illustrasi sian: Janie Forest
Sinadur ni: Lyn Doerksen
Nihatabatakhon ni: Marihot Siahaan
Hinaruarhon ni: Bible for Children
www.M1914.org


BFC
PO Box 3
Winnipeg, MB R3C 2G1
Canada


©2011 Bible for Children, Inc.

Ijin: Manang ise pe, boi do mamotokopi manang pagandahon cerita on,
asal ma unang digadis.



Jongjong do boruboru
i di punsu ni dolok
na gaor i, matana
na tarilu marnida
hasusaan. Nunga
mate Anakna i. Si
Maria do ina i, na
jongjong do ibana
jonok tu inganan
pamajalan ni
Jesus tu
silang.





Boha do parmasa ni on
sude? Boha do Jesus boi
Jesus paujunghon ngolu na
mansai uli di bagasan
haporiron? Boha
do parjadina
dipaloas
Debata
AnakNa mate
tarpajal di hau
parsilang? Na diula
Jesus do hasalaan
taringot tu hadirionNa?
Na sundat do sangkap
ni Debata?






Ndang! Ndang na sundat sangkap ni Debata. Ndang hea marsala Jesus. Tongtong do diboto Jesus na ingkon pasahaton ni angka parjahat Ibana tu hamatean. Nang di tingki Posoposo dope Jesus, nunga dipabotohon si Simeon, naung matua i, tu si Maria, na ro do sitaonon muse.





Pigapiga ari
andorang so dibunu
dope Jesus, ro do
sahalak boruboru
mangusehon miak
na angur tu patNa.

Muruk ma angka sisean i
jala didok, "Dibolongkon ibana
do hepeng". Alai didok Jesus
ma, "Na denggan do na binahenna i.
Dipatupa ibana do hombar tu pananomonKu."



Dung i, dijehehon si
Judas, sada sian sisean ni
Jesus na sampulu dua I,
ma Jesus maradophon
malim godang holan ala
ni 30 ponggol perak.






Di ari raya Jahudi, dipatupa Jesus
ma parpanganon na parpudi dohot
angka siseanNa. Dipabotohon
Ivana ma sada na mansai uli
taringot tu Debata dohot padanNa
tu angka na manghaholongi Ivana.
Dung I dilehon Jesus ma roti dohot
panginuman laho bagion nasida.
Sude I laho paingothon
nasida di daging
dohot mudar
ni Jesus na
pinasahat bahan
hesesaan ni dosa.



Dung i dipabotohon Jesus ma tu angka donganNa na naeng jehehononna do Ibana, jala laho ma nasida mando. Dung i didok si Petrus ma, "Ndang laho ahu mando". Alai didok Jesus ma, "Andorang so martahuak dope manuk, parsoadaonmu ma ahu tolu hali."






Di borngin i, laho ma
Jesus martangiang tu
porlak Getsemane.
Tarpodom do anggo
angka sisean na rap
dohot Ibana. Didok
Ibana, "Amang, molo
tu boi nian, padao
ma panginuman on
sian Ahu, alai ndang
lomongKu, tu lomo
ni roham ma."



Tompu ma ro sapunguan rongom to porlak i,
diboan si Judas. Anggo Jesus ndang pola
mangalo, alai digotaphon si Petrus ma
pinggol di sada baoa. Pintor dijama
Jesus ma pinggol ni baoa i jala
dipamalum. Ia Jesus diboto
do paboa na sangkap
ni Debata do
panangkupon
na tu Ibana i.



Diboan punguan na rongom i ma Jesus tu jabu ni malim godang. Disi, didok angka pangulu ni Jahudi ma, ingkon mate anggo Jesus. Jonok tusi, jongjong do si Petrus di lambung ni parjaga na mansisulu.






Tolu hali ma na torop i mamereng
si Petrus huhut mandok, "Ho do
na rap dohot Jesus i".
Tolu hali ma diporso si
Petrus, songon naung
nidok ni Tuhan Jesus.
Pola do marsumpa
si Petrus.

COCK-A-
DOODLE-
DOO




Dung i, pintor
martahuak ma manuk.
Hira soara ni Debata do
i tu si Petrus. Marningot
hata ni Jesus, tumatangis
ma si Petrus.





Tong do gabe lungun roha ni
si Judas. Diboto ibana, ia
Jesus ndang mangulahon
hajahaton. Dipaulak si
Judas ma perak na
30 ponggol i, alai
ndang dijalo
malim i.





Dibolongkon si
Judas ma hepeng i,
laho ma ibana jala
maningkot.






Diboan malim i ma Jesus tu adopan ni si Latus, gubernur ni halak Rom.


Didok si Latus ma, "Ndang dapot ahu hasalaan ni Jolma on." Alai marsoara nagogo ma natorop i, "Parsilangkon Ibana! Parsilangkon Ibana!"



Ujungna dipasahat si Latus jala
didok asa diparsilanghon Jesus di
hau parsilang. Dipusa soldadu i ma
Jesus, ditijuri bohiNa, jala dilinsing.
Dibahen nasida ma tumpal na jorbut
sian sungsang duri huhut diampehon
tu uluNa. Dung i dipajalhon ma
Ivana tu hau parsilang laho
pamatehon.



Diboto Jesus do na ingkon songon i parmateNa.
Diboto ibana do tongtong na mamboan hasesaan
ni dosa ni na porsea tu Ibana hamamateNa
i. Adong do dua halak panamun
diparsilanghon di lambung
ni Jesus. Na sada porsea
do di Jesus - jala dohot
tu Paradiso. Na sada
nari ndang porsea.



Dung tingki panaonon i, didok
Jesus ma, "Nunga marujung,"
laos mate. Nunga sae
ulaonNa. Ditanom
angka donganNa
ma Ibana di
tanoman ni
ompuNa.



Dung i, disegel jala dijaga
angka soldadu ni halak
Rom ma tanoman i.
Ndang boi manang
ise masuk tu
bagasan -
manang
haruar.



Sugari on do ujung ni barita

i, balga ma arsak ni roha.

Alai dipatupa Debata
do angka na uli.

Ndang torus
mate Jesus i.



Di buhabuha ijuk, sogot manogot
i, di ari parjolo di minggu i,
dibereng angka sisean ni
Jesus ma naung guling
batu i sian tanoman
i. Dung dibereng
nasida tu bagasan,
ndang disi be
Jesus.



Sada boruboru jong jong tumatangis
jonok tanoman i. Dipatarida Jesus
ma diriNa tu ibana! Marlojong
ma ibana mulak di bagasan las
ni roha paboahon tu angka
sisean na asing. "MANGOLU
DO JESUS! NUNGA
MULAK

JESUS

SIAN HAMATEAN!"



Hatop ma ro Jesus tu angka sisean i,
dipatudu ma tu nasida ipos ni bugang ni
tanganNa. Tutu. JESUS NUNGA
MANGOLU MUSE! Marpamuati Ibana di si
Petrus na sumoadahon Ibana, jala didok tu
angka siseanNa asa dipabotohon tu sasude
taringot tu Ibana. Mulak ma Ibana tu banua
ginjang sian inganan haroroanNa hian sian
hututubuNa.



Pesta Paska Na Parjolo


Dapot do sada barita sian hata ni Debata,

ima Bibel,

Mateus 26-28, Lukas 22-24, Johannes 13-21


“Pangungkapon di angka hata Mi do patiur
parnidaan.” Psalmen 119:130





Ujungna

54



60



Dipabotohon Carita Bibel on tu hita taringot tu Debata na sun hinagogo, na manompa jala na manghasiholi ho asa mananda Ibana.

Diboto Debata do naung taulahon angka na roa, i ma dosa. Hamatean do uhun ni dosa, alai mansai holong do roha ni Debata di Ho, i do umbahen na ditongos AnakNa na sasada i, Jesus. Nunga mate tarsilang jala hona uhun Ibana ala ni dosam. Dung i mulak mangolu ma Ibana, jala mulak muse tu Banua Ginjang! Molo porsea ho di Jesus jala dipangido roham asa disesa dosam, sai na patupaonNa do i! Ro do Ibana jala mian di bagasan ho saonari, dung i mangolu ma ho rap dohot Ibana ro di salelengna.

Molo porsea do ho di hasintongan on, dok ma songon on tu Debata:
O Jesus, porsea do ahu na Debata do Ho, jala naung gabe jolma.
Naung mate do Ho ala ni dosangku, alai nuaeng mulak mangolu do Ho.
Ro ma Ho tu ngolungku jala sesa ma dosangku, asa dapot ahu ngolu na imbaru, jala molo ro tingkina, gabe rap ahu dohot Ho ro di salelengna.
Urupi ma ahu mangoloi Ho jala mangolu di Ho songon anakhonMu.
Amen.

Jaha ma Bibel i jala manghatai ma ho dohot Debata ganup ari!
Johannes 3:16

